

雲
杜
故
事

豪
譜



通志

卷

七

通志



雲
杜
故
事

易本娘
撰

中
華
書
局

雲杜故事

清 京山易本煥撰

儀徵阮文達公擘經室集有所藏秦漢六朝唐廿八名印記其公子常生釋注之第十四印曰王匡起兵綠林攻莽者注引漢書王莽傳事予輯京山金石志首載西漢三王城故碑可謂古矣然城碑久亡僅存目錄而王匡名印歷數千年猶流入閒亦異事也惜不能就印數本耳予有歌記之

張印新市人地皇三年與王匡朱鮪等共起兵號新市兵自稱將軍後屬漢兵更始即位以印爲衛尉大將軍入長安封淮陽王與王匡等輔政橫暴三輔亦眉西入關印與王匡守河東爲鄧禹所破還奔長安欲掠城中轉攻所在東歸南陽更始不從印等謀劫更始謀泄遂勒兵掠東西市戰于宮中更始大敗赤眉至高陵匡印迎降之更始降赤眉印與謝祿謀殺更始殺之文獻通考封建門

濟州金鄉縣發一古冢乃漢大司徒朱鮪墓石壁皆刻人物祭器樂架之屬夢溪筆談錢大昕潛研堂金石目錄有漢朱鮪石室畫象

劉宋元嘉二十二年新陽獲古鼎有篆書四十二字見宋書符瑞志

新市之名六朝人詩文每用之如梁元帝縣名詩長陵新市北鄭衛好容儀鴛鴦賦魂上相思之樹文生新市之機張正見詩調鷹向新市彈雀往睢陽徐陵玉臺新詠序亦有潁川新市河閒觀津本號嬌娥會

名巧笑。而庾子山集引用尤多。如哀江南賦。鬼火亂於平林。殤魂遊於新市。謝趙王贊絲布啓。遂令新市數錢。忽疑販綵。平陵月夜。驚聞搗衣。爲梁上黃侯世子與婦書。人非新市。何處尋家。倪璠注。皆謂漢江夏郡之南新市。梁之郢州。子山故國也。予案開府流寓江陵。或亦寄居新市邪。

雲杜之名。引用者不多見。唯劉孝綽謝晉安餉米啓。氣蕊新城。味芳雲杜。

元江陰王逢困學錄。

今刻入鮑氏叢書中

載米元章象贊及自序。並古詩一首。中有云。君不見顧長康。取媚桓溫圖。

九錫。我不愧孟浩然。緩策京山遇摩詰。按所載米元章象。乃楊儀之筆。詩中所謂君。蓋楊儀之也。全文甚多。不讀公詩。豈知孟公訪摩詰時。曾稅駕京山哉。古事湮沒。賴諸載籍以傳。是宜亟表而出之。

李肇國史補云。酒有郢之富水。李德裕詩。冰寒郢水醪。唐時京山。固產佳酒也。宋時京山。有酒課。有監酒稅官。其酒坊。有辨頓。北塞峪。南竹坡。小河。溫泉。三龍河。韓家井。子石底河。趙陂。橋蘇石田家寺。東橋大門。郭家林。上平坂。漂河。七里坂。長省山。溪五泉。北彭家龔家。西新市。五樂寶香。長峪。永隆。李家穴。堤湖。斛陂。溝潭。下平坡。東十里。西十里。歸德石。激河。曹武。陳家。太陽。新市。甲子。南彭家。楊家。北竹坡。倉墓。北陣子家。南十里。獨木橋。毛家。潼泉。鴈鳴刀。梯山。永康。南塞峪。十八里。小富易家。杜家。上五泉。白土。豐谷。司馬。陡港。西潼泉。排港。十五泉。任家市。凡六十有八處。崇禎中志所載如此。自原富水郡志之文。吳志削去。錄之以見宋制。兼可攷證地名。

鄭工部文寶。將漕陝西。經畫靈武。後謫監郢州京山縣酒稅。過信陽軍。白雪驛。作絕句。而湮沒莫有知者。

先君皇祐閒尉是邑。重書于碑。後亦亡。鄧栒工部詩集亦無之。曰得罪前朝出粉闥。五原功業有誰知。年餘放逐無人識。白雪關頭一望時。王得臣

輝在上饒三四年。日從寓士遊。遍歷溪山奇勝。廖明略。徐師川。呂居仁。鄭顧道。曾宏甫諸公。風流未遠。邦

人類能道之。周輝清

舊志。鄧士穎以蔡陽貴族避難。業於漢東。遂以文章爲京山開草昧。其登第之書。凡主司姓諱。試題策問。

及籍世名字。幾閱四百年。而傳於天下者。以文文山。謝臯山。陸樞密。三公忠孝在耳。故自有科舉以來。文

籍皆不可見。獨宋錄傳。宋三百進士錄不見。獨朱晦庵之戊辰科。與是科傳。迨嘉靖壬午歲。汀州太守胥

公文相。始得其本于澄邁尹吳濟所刻之。以爲神物呵護。非偶然也。萬曆乙未。守浙西道胡公世瑞。再刻

之湖州。並以是科同年錄增行。比重於商彝周鼎。以爲東南後進。得是書而考鏡之。追配前人。則忠義之

心生。今其書往往藏於人間。觀士穎名字者。若有餘香。其所增託然也。吳志

江同祖過郢州京山縣。按此係乾道六年。江同祖爲湖廣總領所幹事。官自鄂如襄時事。晚抵村驛。驛人言鹿在前結寨。卽出觀之。彌望

可數里。巨鹿無數。四環成圍。以角外向。凡數十里。兩鹿摩處中。勃跳嬉戲。民田相近者。悉遭蹂踐。獵戶雜

沓其旁。云不可近。近輒觸。明日始引去。獵人操弓矢戈矛追隨之。伺巨者行前稍遠。乃敢捕射其穉弱者。

亦各有所獲而還。洪邁夷堅志丙

元統閒。革去羣王內司。併入藝文監。時揭曼碩爲藝文監丞。寓居大都雙橋北程雪樓。承旨故廨。到閣中。

相去十數里之遙。楊瑀山居新語

中丞容齋徐公。建臺揚州。日確齋荀公。雪樓程公。倡和無虛日。盛如梓者學叢談

獻徵錄曰。建文時。姚善爲吳郡守。數造郡賢。訪求治道。隱士王賓。獨居陋巷。善徒步造門。稱名致禮。賓後報謁。但望門再拜而返。

明正統閒。勸民輸粟一千一十石。奏賜鹽書旌異。復其家二年者。有七寶郝從善。易謙。富水袁旻。高容。白楊黎汝賢。黎亨。子陵田思賢。呂府王鑑。至成化二年。知縣李清奉詔。勸出粟七百石。旌以冠帶。仍表其宅者。有子陵一里李瑄。皆好義樂施之士也。吳志

嚴解元誠。應正統甲子鄉試。江濱童謠云。白魚入船。嚴誠中解元。及誠赴試。有白魚躍入誠舟。舟人以童謠告。誠向同舟買此魚投江。是年。誠果首選。崑山葉盛水東日記。猶錄此事。吳志

翁學士方綱。詠成化七年二銅爵歌。序曰。瘦銅按瘦銅姓張名頌。買得銅爵二。足內款云。成化七年四月吉日。知

府黎永明置。予考之。是順德府學祭器也。黎永明。字光亨。湖廣京山人。景泰甲戌進士。其知順德。有中貴恣橫。撻之數十。郡治前清風樓。爲永明建也。易鏡清二知寧筆記

王僉事希旦。成化丁未會試。出祖於村民吳必顯家。是夕夢與必顯同捷。寤而笑曰。鬼神侮我邪。及春榜放。有報者曰。君中三百五名。希旦往視之。三百五乃吳必顯也。不待終而去。道遇一人曰。君何往。告之故。其人曰。君何名。曰希旦。姓王氏。其人曰。君名在一百六十五。余卽吳必顯也。適亦有報余居君名者。是以

知之。乃相攜返驗良信。吳志

三女橋有崔公祠。弘治中有人自蜀中來。遇姓崔人。寓書一函。曰。余有宗人住京山三女橋。幸爲達之。其人既至。取書置懷中。就橋濯足。忽昏眩假寐。夢至一字。甚潔飾。老叟數人。迎客極恭。其人具以書呈。少頃。其人寤。探懷中書。無有矣。吳志

黎侍郎爽。爲舉人。久不第。辛未前一歲。與友人劉忠同車北上。臥邸中。夢至一官寺。劉坐庭上。而已執弟子禮。立階前甚肅。覺而怪之。時翰林貴僚亦有與劉同姓名者。黎私計曰。若得此君在校文之列。吾必捷。既入京師。探入簾人有劉姓者。黎大喜。果登第。章志按正德辛未會試。考官

屈縣丞亭。解康節梅花數。爲諸生時。以此署名。正德中山東大盜劉六。劉七。齊彥名輩。自北方來。已達應山。逼近縣境。有就亭叩者。詞畢。倚屋柱而立。亭曰。無憂。以人倚木。休字也。後賊果敗去。他類此。十可得七八。章志

夏舉人龍。居里日。於庭前築臺。覆以小亭。榜曰斗南書屋。題詩壁間。曰。小臺孤出一城中。八面牕開面面風。坐與青山對終夕。看雲無事過晴空。又於臺面書小詞。曰。這宮牆。人間是誰家。好箇清幽。避卻諠譁。有蔭陌垂楊。吟風翠竹。笑日桃花。琴響處。雙雙白鶴。鼎開時。一片紅霞。總是東君風月襟懷。詩酒生涯。有監司見而悅之。直造亭上。與龍劇談終日。癸未會試。以高第自期。已而失意南歸。于舟中得降乩法。抵家。遂大作之。凡每至。輒以呂純陽諸仙人自居。作詩多好句。嘗書曰。書屋字不佳。尸至之像也。可改書室。最後

以詩別寵曰。孤身直至三千里。一鶴飛來九萬重。寄與斗南書室主。相思盡在月明中。自是不復至。識者

疑其語不詳。明年寵卒。

章志

王方伯池塘。嘉靖丁未之春。虹飲于塘。王光祿是科成進士。因號虹塘。後爲御史。

吳志

高兵部啓。嘉靖丙辰。赴會試。父節於除夕張燭神座間。忽有蜚子百餘行繞。是年啓擢第。

章志

黎樵莊峻。過高鹿坡先生墓詩。注云。先生文集。皆兵部啓。夫人某行。

其弟

嘉靖戊午。歲中有人夢六雁自蘄州飛入學宮。莫曉所謂。比秋省榜。縣得六人。始解其故。蓋前此乙卯。蘄

之捷者六人。至是斬滅其一。而縣如數。是六雁之應也。

章志

明詩紀事曰。李維楨。海內謁文者如市。洪裁綺製。搖筆揮灑。謹案淵鑒類函卷一百九十六所輯偶句。以

輦金如山。

劉禹錫祭韓吏部文

謁文成市作對。大泌竟配古人作故實矣。

閻若璩移寓維興。贈陳子壽先生詩。溫玉孤亭更在東。秦人留得楚人風。

自注亭爲京山李宗伯本寧出宦時所構

百年片石

苔花滿。可語還推大泌翁。

潛邱札記

葉向高序雲夢鄒觀光集云。明興。京山。齊安。下雉。皆翹然者。然猶未足以折海內之心而奪其氣。至近日

而雲杜江夏輩二三君子。始長楚矣。按所稱京山。謂王太僕也。齊安。謂黃岡王廷陳也。下雉。謂興國吳國

倫也。雲杜。謂李大泌也。江夏。謂郭正域也。當時之品評如此。

秀水縣項墨池家白玉觥。是漢代物。其形如罍。三足有蓋。足蓋上並刻鬼面。旁有環肉好。停勻。滿身絕細。

臥蠶紋爲楚人夏崇謙以千金買之而去。錢希言繪圖

閻若璩與劉超宗書初聞郝氏有九經也自爾公始既聞于皇述其初受知大泌山人事頗妙每欲筆之書未果也其歷官最奇始授給事中卽降外凡三四處縣令終南京中書舍人此參考履歷及五十六家序而後得者。潛邸札記

正域出爲南京祭酒李成梁孫以都督就婚魏國徐宏基家騎過文廟門學錄李維極執而扶之李氏蒼頭數十人踴邸門宏基亦至正域曰今天子尙皮弁拜先聖人臣乃走馬廟門外乎且公侯子弟入學習禮亦國子生耳學錄非扶都督也合交相謝而罷。王鴻緒明史稿郭正域傳

陳解元良心中萬曆壬午第一未放榜日邑中有問乩者乩書一詩曰今年解元在耳東正案科舉一場空時人莫笑斜目子一點良心照月宮榜放乃陳良心以遺才第四中解元。章志

萬曆丁酉胡機鄉試其卷主司欲擲之夢其弟云哥哥中我蓋主司之弟以高才早卒說者謂機其轉世云。吳志

田有穎字肖儒導養辟穀幾三十年以靜中能悟言事多奇時萬曆戊午有人問今年鄉試何人應捷田答云上科鄉試王康之乃遺才今年自應正案及榜發捷者乃鄭友玄晏善成也。吳志

鄭友玄過荆門坐蒙惠泉閒三日乃去。舒成龍荆門州志雜識
孝感夏偉借山筆記云西湖于忠肅公祠在其墓前祠有求夢所頗奇驗癸未春予與京山楊客有文薦

同客湖上。客有乞夢于祠。公爲舉杜句云。伯仲之閒見伊呂。指揮若定失蕭曹。詰旦客有大喜。走告予。謂蒙譖矣。迨後四年。而客有起兵章貢。力屈死。予聞之。因理前夢。爲誦本詩結句。運移漢祚終難復。志決身殲軍務勞。泫然曰。公作鄭五告之矣。吳志

京山楊文薦西湖竹枝詞。殘夢驚心睡起遲。春晴春雨惱花枝。畫樓無限傷心事。都在湖邊十二時。李衡

志案此詩蓋南都已覆。公由浙入閩時所作也。公所著聽湘集久佚。其僅存者吳志載詩二首及此耳。忠義之士筆愈少愈可寶也。

曾子固和張伯常峴山亭晚起云。已卜耕桑臨富水。暫拋魚鳥去伊川。按張伯常隱居郢中有漢上茅屋。不在京山。其言臨富水者。指郡名耳。富水在京山不得言臨。然見于宋人詩者止此。

縣改京山始隋。以境內京山得名。攷山名同者。先見于山海經。曰京山有元礪是也。近時婁縣馮祝一稷

居詩稿中有京山新闢書軒一題。則此京山未詳何處。又朝鮮人朴齊家貞蕤稿略。以上二集俱刻入吳省闈藝海珠塵有

九層洞同京山李文漢鎮一題。是彼國州縣亦有名京山者。攷朝鮮志有江陵府光州忠州黃州海州江

寧府襄陽府悉襲內地名目。則京山亦或採中華佳名也。

海寧縣衙門相傳有一女妖。豔冶動人。其去來出自古井。時秦君嘉系爲令。女常遊戲左右。或夜坐披閱

文卷。輒爲磨墨。亦不以爲意。一夕語令曰。公將陞任。不能久侍矣。未幾遷職去。並含寧鄉贊筆

世傳熊鍾陵四方之政行焉。制藝乃王樸園太史之作。借刻熊名者。予檢太史文稿果然。第非全文耳。太

史稿名典麗風華之篇。

康熙中邑有老儒郝子俊者。赴提學試。有一貧生。傲寓郝旅之東廂。誦聲達旦。諸徒厭之。生請辭。郝慰留之。叩其姓氏。則荆門胡公作梅也。郝見其器宇非凡。索近藝一點。畢評其尾曰。文有臺閣氣象。惜後路少弱。官至侍郎而止。後胡公果官終少宗伯。郝先生之鑒亦神矣哉。

康熙己丑五月。邑南五十里白雲庵前王姓家。烏鸕牧放童。聞空際二三里外。閃閃有聲。仰視一大鳥。自南來。翅大如箕。長丈餘。驟集鸕背爪之。童駭歸。繫鉦驅之不去。然火銃傷鳥左翅。縛歸數日斃。余往視之。鵬也。譚之號鈴雅

虎爪山旁有石湫小穴。一龍潛處其中。一歲暴風雨。龍出于山南四十里外。拔樹折木。畢致諸物。奠於山頂。虎爪石上。黍粟麥豆成塊。甕壺升斗盃盞。亦能使飛走止集石上。又甕腹巨頸細。壺腰大項細。而甕中有升斗。壺底有盃盞。不知何以得入也。譚之號鈴雅

袁天祐京山人。四年前登高墜地。筋骨損傷。遂匍匐乞食。見一人飄然來。目之曰。爾有夙孽。應遭此厄。幸與我遇。授藥一刀圭服之。陡覺四肢通利。步履如常。衆跡其人不得。詫爲仙。乾隆庚子五月事。秋燈叢話

京山富水村西石泉山窟中。相傳龍潛其下。常興雲霧。有周翁者。求雨屢驗。人傳翁爲素習正法。能致雷聲。有雷公之號。一日語其徒曰。洞有孽龍。將降之。可持吾令牌候洞口。俟予手出。即付勿誤。周入洞。聞搏擊聲。逾時有手伸出。大如箕。毛茸茸然。徒駭極。牌墮地。俄有聲如千萬軍馬。水勢洶洶。自洞湧出。龍已騰空起。翁不知所往矣。土人德而哀之。建廟設祭。額曰雷公廟。龍去後。洞口宏開。人以老龍洞稱焉。秋燈叢話

乾隆二十五年庚辰恩科有人卜乩。乩判三陽開泰四字。悉不解。是科先大父獲雋。乃悟乩語之妙。先大父諱履泰。蓋自壬申恩科京山中彭公時泰。孫公名泰。次年癸酉中楊公廷琇。丙子己卯。邑無登賢書者。至是先祖始中。楊公已捷春闈。三公名同一字。陽又隱楊。其妙驗如此。

秀水鄭虎臣谷松閣集有題京山熊觀察繹祖公餘行樂圖七首。曰曲江觀魚。曰梅嶺賞雪。曰書堂讀易。曰韶石彈琴。曰南軒習射。曰九成臨帖。曰愛蓮閣。

道光戊戌重建文廟。殿基中掘出大石一方。廣五尺許。上琢麒麟。如唐昭陵六馬之式。不知何代物。人咸以爲文明之祥。時新造校士館。遂移嵌于館堂之東軒影壁。名曰麒麟石。

舊志載邑中耆壽如鄒傑九十餘。王格九十四。桂仕榮九十八。壽民有程伯休九十六。壽婦有方伯慶妻董氏九十九。朱聰妻王氏九十七。唯富水民易繩佑妻包氏一百一歲。此爲僅見。

國朝耆壽有熊東山觀察。年九十二。五世同堂。及見元孫。此爲盛事。壽民則有王明燭。於乾隆丙申年已百齡。後不知享年若何。近則有官橋劉元者。於道光丙午。實年百有一歲。

鄒公克昌。雍正丁未進士。鼎家灘人。其後裔遷居潛江。有庠生鄒官者。其妻朱氏。節婦也。載通志。又載有鄒官者。妻朱氏。亦節婦。是鄒官兄弟俱有節婦。公之後光矣。

明崇禎十年。常熟令爲鄒守常。貪墨吏也。到任四月。民卽起而噪之。時閭邑士大夫頗不直鄒。相率詣郡城。以民情達撫軍。撫軍曰。令雖不善。但到任百餘日而卽噪之。百姓無乃已甚乎。時首座爲錢公謙益。次

卽陳公必謙。錢聞撫軍言。語塞無以對。陳獨慷慨進曰。休說百姓已甚。京山楊父母在任九載。百姓亦何嘗鼓噪來。撫軍善其言。遂左遷鄒令去。京山楊父母者。謂前令楊公鼎熙也。蓋自崇禎元年到任。至九年始去云。

京山王東淑應奎
柳南隨筆卷三

吾邑黃公鉞。以給事中家居。靖難師起。蘇州府知府姚善方起兵勤王。不幸爲麾下所縛。竟致身死。公故與姚相善。聞善歿。卽具朝服。投琴川橋下死。邑志及先賢事略所載悉同。而明人病逸漫記。則云永樂初徵赴京師。至半途投水自溺。誤也。

同上
條男崇莊補